

日本逸史

世一
世二



210.36
79
Vol 16



天津師範
所藏書目

學務部
藏書

日本逸史卷第三十一

天高讓彌遠天皇

淳和天皇

天皇諱大伴祖武天皇之第三子也母贈

皇太后藤原朝臣旅子贈太政大臣正一

位百川之第一女也弘仁元年九月庚戌

立為皇太弟十四年夏四月壬寅皇太弟

出自東宮遷御內裏先立侍從從四位下

恒世王為皇太子太子上表固辭仍立正

良親王爲皇太子詔曰天皇我詔旨云云

遣使左右京賑給病民是日任官日本大

納言正三位藤原朝臣緒嗣兼皇太子傳

權中納言從三位藤原朝臣三守兼春宮

大夫辭右兵衛督從五位下藤原朝臣常

嗣任春宮亮從五位下滋野宿禰貞主任

春宮學士正五位下大伴宿禰國道任左

中辨叙從四位下從五位上坂田朝臣弘

貞任式部少輔從五位上和氣朝臣眞綱

任民部大輔從五位下三原朝臣春上任

中務少輔公卿補任癸卯太上皇差權中納言

藤原朝臣三守令實辭皇太子書上今上

其書函并札等裝束一同諸臣上表但不

經中務直奉內裏表曰云云即令三守奉

返甲辰上表太上皇曰臣諱言伏奉昨詔

不許立皇子正良爲皇太子云云先是皇

太子移權中納言藤原朝臣三守宅即差
三守等迎之兵衛陣列御車前後至待賢
門更御輦入坊乙巳奉幣帛伊勢大神宮
告即位也皇太子始著黃丹服帶劔參入
內裏再拜舞蹈日本記畧丙午先太上天皇差
前大和守從三位藤原朝臣眞夏令賚可
停止平城宮諸司狀即率官人二十許奉
返國史第二十五帝王部五太上天皇丁未詔曰詳觀列代

緬鑿前主或因事以別名或乘時而異號
太上天皇利見踐曆執象循機文教與鵬
翼齊飛武功將日車並運樂推之望幽顯
猶剋謳歌之誠華夷未已爲而不恃成而
弗居纖介紫袞錙銖黃屋施檐四海高謝
萬邦遂乃仰損天皇之號俯同人臣之例
稽諸往古未有前聞論之當今實非通元
然則名不正則言不順言不順則事不成

聖人無名雖絕言象稱謂之儀非無故實
宜猶上尊號爲太上天皇皇太后曰太皇
太后皇后爲皇太后戊申太上天皇上書
曰元氣肇開樹之以君有命不恆所輔惟
德大□心人選賢與能辱以菲薄憂勞庶
政十有餘載馭朽兢懷履冰悚慄遂避大
寶得果宿心卽懷物表欲狎風雲實有以
也而隨禮法蒙加尊號非唯一身亦如

此雖承邦儀非復情願不敢拒命諒爲愜
心夫秦代以往故實不聞漢年而還稱謂
初著今達詔旨欲從古朴素冀照愚心使依
所請第二十五帝主遣追固關使日本已
西臣諱和淳言伏奉詔旨不許奉復尊號心
塊蕩遷罔知攸措伏以太古之時人民初
載君臣之理雖著尊卑之序未明上如標
枝下如野鹿鴻荒朴素難得而知也天皇

地皇以來名號始顯伏犧神農之後稱謂
既彰然則世有淳醜時有今古若推鴻荒
之風於名教之代此莊老之談所以見棄
於世也又禪讓之主莫盛於堯舜未聞堯
舜除却帝號還同庶人豈有朝爲南面之
主而夕爲北面之臣哉誠知教訓正俗非
禮不備君臣上下非禮不定陛下當璧所
鍾早承先緒君臨天下已踰一紀民知帝

力俗深聖風皇太后殿下正位官壺同體
至尊而竝除尊號不近物情伏願屈謙光
之固執允歷代之通典凡在天下良爲幸
甚忽省詔旨伏承周厚豈伊菲薄堪彼尊
號欲遂愚意還恐遷旨固辭之事於此而
罷但服御物及諸司應直者悉從奉返然
則國用之支旣足獨靜之趣稍得冀廻聖
慮依請施行

國史第二十五卷
王部五太上天皇

是日遣使

諸國山陵告即位之由云云上皇詔書右大臣從二位藤原朝臣冬嗣上表不許差美中納言從三位良峰朝臣安世天皇受讓十七并定皇太子事告于柏原山陵其詞曰天皇恐美恐美云云日本記略正五位下藤原朝臣愛發任右中辨公卿補任庚戌中納言兼右近衛大將從三位勳四等文室真人綿麻呂薨大納言從三位智努王孫從四位下

勳三等三緒朝臣大原長子也延曆十四年二月叙從五位下七月任右大舍人助十五年十月任近衛將監十八年正月任近江大掾二十年閏正月任出羽權守十一月叙正五位下二十二年五月任近衛少將二十五年四月任播磨守五月兼侍從叙從四位下六月兼中務大輔大同二年正月任右兵衛督二月任右京大夫三年

年正月任左大舍人頭四年正月改三緒
姓賜三山朝臣四月任左兵衛督五月任
大膳大夫六月改三山姓賜文室真人任
兵部大輔五年二月任播磨守九月任參
議叙正四位上依田麻呂奏超一陞也又
任大藏卿兼陸奥出羽按察使弘仁二年
十二月叙從三位勳五等三年十二月任
左衛門督五年八月遷右衛門督時爲勳

四等七年正月兼備前守三月兼右京大
夫十二月任右近衛大將八年十一月兼
兵部卿九年六月任中納言是年此月任
左兵衛督大膳大夫卿如元薨時年五十
八公卿補任辛亥皇帝卽位詔曰云云仕奉人
等中爾其仕奉狀隨爾冠位上賜比治賜
布云云又諸國乃飢公民爾賜流借貸稻
乃未納悉免賜又敕云云授從二位藤原

朝臣冬嗣正二位正三位藤原朝臣緒嗣
從二位從三位良岑朝臣安世正三位无
位繼枝王從四位下從五位上榎本王仲
雄王正五位下從五位下石野王巨倉王
從五位上正六位上楠野王從五位下從
四位上藤原朝臣繼藥石川朝臣河主橘
朝臣氏公正四位下從四位下藤原朝臣
綱繼紀朝臣唯麻呂從四位上正五位下

清原真人夏野大伴宿禰彌嗣從四位下
從五位上高階真人淨階文屋真人弟真
坂田朝臣弘貞和朝臣綱繼藤原朝臣淨
本從五位下都宿禰腹赤正五位下從五
位下笠朝臣仲守從五位上外從五位下
廣階連真象正六位上藤原朝臣越雄石
川朝臣永津藤原朝臣安永甘南備真人
屋麻呂大伴宿禰真臣從六位上藤原朝

臣輔嗣藤原朝臣春繼從六位下多治比
真人建麻呂從五位下從六位下羽咋公
吉足外從五位下國史第九十九職官部
四叙位四及第八十四
政理部臣諱嵯峨太上言伏奉敕書垂示恩
六借貸上天皇
慰兼期除尊號聞命驚惕陌焦非遙臣蒙
殊葬黍嗣鴻基勵治十有餘載然大寶者
是至公之器也天下者非一人之有也臣
之庸薄何有久妨思欲託山水而送百年

翫琴書以了一生故以萬機之務傳於賢
嗣八柄之權非復所知苟欲答來詔之意
恐貽代庖之譏焉因執敕書奉達今上即
有還報事不獲允臣爲省繁費除上皇號
今上因據古典亦不見許心迹相違伏惟
垂照第二十五帝主
部五太上天皇是日零雨庭濕群臣
百官皆悉陣列八省殿上行拜禮事日本
記畧
壬子改大伴宿禰爲伴宿禰觸諱也國史
第二

十八帝王部
八天、皇避諱

五月甲寅朔女叙位又任官日本中納言

正三位良峰朝臣安世兼右近衛大將權

中納言從三位藤原朝臣三守轉中納言

從四位下清原真人夏野任左近衛中將

兼近江守從五位下三原朝臣春上任右

少辨公卿補任是日奉幣山城國愛宕郡貴布

禰神社為止霖雨也詔云云皇妣云云降

一微
作徽

年不永早從昇夫朕在幼稚已違慈顧追

上微號為皇太后差使奉幣諸道名神以

皇帝始即位也丙辰依霖雨不止差使令

奉幣并馬大和國雨師神社日本太政官

符正稅稻四萬束越前國二萬束加賀國

二萬束右得兩國解備支度修理破損官

舍料物既起十萬束依格前司輸料後司

可修而會去年十一月二十四日恩詔悉

從免除望請前件正稅宜宛修造其用帳者副作物帳言上謹請官裁者右大臣宜奉敕宜依請但其代出舉正稅令填又自茲以後若有申請修理料稻者亦宜准此出舉令填類聚三代格第八戊午御紫宸殿宴侍臣中務省率所司獻苜蓿蒲如常日暮賜祿有差國史第七十三歲時部四五月五日賑給伊賀國飢病民第一百七十三災甲斐國賊首吉彌侯部異部七疾疫

井出麻呂等大少男女十三人悉配流伊豆國第八十七刑已未諸國疫氣流行百姓窮弊仍停止貢相撲人有詔賑給左右京五畿內諸國第七十三歲時部四相撲及第一百七十三災異部七疾是日詔曰云云外祖父贈右大臣從二位藤原朝臣外祖母尚縫從三位藤原氏云云宜加崇班式照幽壤外祖父可太政大臣正一位外祖母可正一位日本記畧甲子

臣諱平城大言先帝不棄丹朱謬辱丕業

情性不佞添以錮疾仍懼尸位禪太上皇

太上皇帝看賢讓國遁跡願性屬斯能事

感激更遠是以除號之書奉太上皇帝報

詔曰八柄之權非復所知因執臣書奉達

今上事不獲允者膺斯絲綸戰栗倍古今

明主因據古典尊太上皇尤令物宜宇宙

幸甚唯至于臣之所請未得允聽乃雖恩

出不世而事匪宿望益疑時王奪號禮經

所諱抑以人欲天隨復自茂典也故緣心

攸欲除號徹物所有諸司一切奉返夫古

聖所以垂禮者本為濟國安民焉上多下

苦豈謂禮乎加之一國之內有兩太皇瀛

表寰中未詳前聞伏願陛下曲垂鑑許不

任育之哭敢上萬死之狀先太上天皇差

散位從五位下秦奈理令賚請除太上天

日本通史卷第三十一

皇號竝徹服御物書奉_レ上_レ今上_レ敕此書首尾稱臣此表體也不可取開宜附使早奉返者即副大臣書送前大和守藤原真夏所_レ國史第二十五帝是日右大臣兼左近衛大將藤原朝臣冬嗣上表謝大將職不許_{美日本}記畧丙寅從四位下朝野宿禰鹿取任左中辨從五位上和氣朝臣真綱任中務大輔從五位下藤原朝臣吉野任中務少

輔_{公卿}補任丁卯任官

_{日本}記畧

從四位上藤原朝

臣道雄任參議即兼宮内卿從四位下伴

宿禰國道任參議即兼右大辨_{公卿}補任壬申

先太上天皇附權右少辨息長真人文繼

上除號停諸司書曰太皇報敕曰執愚除

號書奉達今上事不獲允者下情潛思松

蘿年顏踰紀加號折稟報悚歲浚苟念倉

府實耗據號而生世事繁閑由人而起無

號無人物累何有仍皇號諸自一切奉上
而誠未動天所乞猶曠夫狐裘蒙茸晉人
尚嫌況乎太皇雙立豈謂懿禮哉凡一天
號令雖罔所遁六府囂煩烟霞不許伏願
曲降殞霜之期破前貪於後約殊垂崩城
之感安西魏於北邙豈借鳴謙至誠靡華
國史第二十五帝癸酉詔曰乾坤文泰庶
王部五太上天皇品賴其仁雲雨行施群生仰其澤故提衡

御極握契登樞莫不因時而布恩應天而
分惠也朕居纘戒之業有若馭奔受光啓
之符無忘履薄懼八政之或舛憂一物之
未安務存念育情淡施生今盛德在天長
養應期思迪順陽之令範以播乘時之沛
澤其僧綱及京畿內諸寺僧尼智行有聞
竝年八十已上宜量施物但外國僧尼者
百歲已上穀每人四斛九十已上三斛八

十已上二斛天下給侍高年百歲已上賜
穀每人三斛九十已上二斛八十已上一
斛其五位已上子孫年二十已上者特叙
當蔭之階力由之輩業超衆者宜叙爵一
階孝子順孫義夫節婦表其門閭終身勿
事速令頒下知朕意焉第一百八十六佛道部十三施物僧
奉已太上天皇詔曰云云亡妹高志內親
王者下愚之同胞先帝之愛女也云云薨

年不假李徃俄零以恒世親王爲皇太子
陛下不垂矜察強立愚男再三祈請早聽

莫應云云日本記畧

六月乙酉奉宛封戶太上天皇一千五百
烟皇太后千烟皇帝上表曰伏奉去月二
十八日詔旨云云日本記畧丙戌天皇御太極

殿獻幣帛於伊勢大神宮爲停定齋內親
王也國史第四神祇部四伊勢齋宮丁亥差使奉幣帛貴

布禰乙訓廣湍龍田四神又奉幣帛馬吉
野川上雨師神社祈雨也是日越前國言
上丹生郡管鄉十八驛三割九鄉一驛更
建一郡號今立郡加賀國江沼郡管鄉十
三驛四割五鄉二驛更建一郡號能美郡
加賀郡管鄉十六驛四割八鄉一驛更建
一郡號石川郡以地廣人多也已丑追立
贈一品高志內親王爲皇后詔曰天皇大

命云云贈一品高志內親王云云追天皇

后止贈賜部云云甲午正三位多治比真

宗薨參議從三位長野之女也初桓武天

皇入之掖庭生六親王云云贈正二位時

年五十五丙申任葬司四位二人五位五

人六位已下十一人丁酉天皇詔旨良麻

夫人多治比真人爾云云乙巳除自日本

丙午從五位上和氣朝臣真綱任越前守記畧

從五位下清原真人長谷任右衛門權佐

公卿補任 丁未地震 國史第百七十一 災異部五地異

秋七月丙辰奉和泉國大鳥積川兩社幣

以祈雨也己未奉幣帛伊勢大神宮祈雨

也 日本記畧 癸亥中納言從三位春宮大夫藤

原朝臣三守上表辭職不許 公卿補任 己巳奉

幣雨師神祈雨未有徵應仍城內設法筵

一七箇日讀經禁殺生也 日本記畧 辛未長門

國鑄錢勞異他國連年旱疫人民乏絕仍

免當年庸賑給美濃阿波兩國言上飢病

百姓壬申參河遠江兩國頻年旱疫茲免

當年庸 國史第百七十三 災異部七疾疫 甲戌越後守從

四位下伴宿禰彌嗣卒從三位伯麻宮之

男也延曆十九年叙從五位下任太宰少

貳弘仁七年從五位上十三年正五位下

十四年從四位下頗便步射好鷹犬為入

疾惡不憚射人脫而改操暴慢不聞時六

十三第六十一、六丁丑故三品中務卿伊豫

親王故從三位夫人藤原朝臣吉子復位

號帳內資人亦依法行之日本記畧

八月癸未詔曰云云國郡司者量狀授爵

天下為父後者六位已下叙爵一等准正

六位上宜量賜物又去弘仁十二年以往

調庸未進成從免除今日授位日本記畧丁亥

近江國多病人詔且給穀二千斛以充疫

料國史第百七十三己丑天皇御大極殿

奉幣帛伊勢大神宮第三神祇部三癸巳

地震第百七十一庚子從四位上藤原

朝臣綱繼任左兵衛督公卿辛丑任官日本

記畧九月壬子朔日有蝕之日本辛酉授正七

位下香山連全繼外從五位下為日向守

日本通史卷第三十一

國史第九十九職 壬戌御大極後殿奉幣

官部四叙位四 第三神祇部三 癸亥太上

帛伊勢大神宮 伊勢大神宮 天皇幸嵯峨莊先是中納言藤原朝臣三

守奏可行幸狀皇帝即敕有司令設御輿

及仗衛太上天皇辭而不受皇帝再三苦

請太上天皇固辭遂騎御馬無前駟并兵仗

丁卯任官日本記畧從四位下高棟王任侍從

從五位下藤原朝臣吉野任左近衛少將

從五位下藤原朝臣常嗣任右少辨癸酉

參議從四位上宮內卿藤原朝臣道雄卒

大納言贈從二位小黑麻呂四男母大臣

魚名女延曆八年任內舍人十四年二月

任大學允十五年四月叙從五位下六月

任兵部大輔十七年二月兼武藏介十九

年正月兼阿波守二月任大學頭二十年

七月叙從五位上六月任兵部少輔二十

二年正月任河內守六月任散位頭二十
三年六月任宮內大輔二十五年正月兼
上總守二月任刑部卿五月任內近頭兼
但馬守七月任右中辨大同二年八月兼
美作守十一月任大學頭三年五月任治
部大輔十一月叙正五位下四年八月任
大學頭弘仁元年七月任能登守八月任
右中辨九月任左中辨二年正月任紀伊

守止辨九年二月任典藥頭又任宮內大
輔十年正月叙從四位下二月兼大學頭
十一年閏正月任兵部大輔五月任大舍
人頭十二年正月任右大辨十三年三月
補藏人頭是年正月叙從四位上五月任
參議即兼宮內卿卒時年五十三
公卿補任乙
亥幸武德殿覽信濃國御馬賜親王己下
參議己上各一匹丙子請僧十口沙彌十

口於內裏奉讀金剛般若經己卯二品葛原親主爲中務卿兼太宰帥三品萬多親王爲式部卿三品恒世親主爲治部卿自餘任官日本參議從三位春原朝臣五百枝兼刑部卿正五位下坂田朝臣弘貞任右近衛權少將從五位上和氣朝臣真綱任修理大夫從五位下三原朝臣春上任主殿頭止右少辨公卿補任庚辰二品葛原親

王爲彈正尹太宰帥如故四品佐味親王

爲中務卿日本

冬十月甲申任太嘗會御禊裝束司茲次

第司國史第八神祇部八大嘗會丁亥戌刻失火內裏

延政門北掖左近衛陣人等走集卽撲滅

夜晴風靜火不大延第百七十三災異部七火癸巳於

皇后院令大僧都空海法師行息災之法

三日三夜第百七十八佛道部五修法辛丑亥刻失火

大藏十四間長殿彈正尹葛原親王右衛門督紀朝臣百繼左大辨直世王右大辨伴宿禰國道等到著令撲左右衛馳東西京呼告集衆千勢高屬不能制止盛炎飛揚逆落無數勇士三十許人登北長殿濕幕撲之是夜大臣已下侍內裏諸門皆禁出入明朝擇技有功奏聞賜綿第百七十一火七是日三品恒世親王爲中務卿壬寅坐

三災異部

肥後國阿蘇郡從四位下勳五等建磐神特奉究當郡封二千戶此神炎旱之時祈卽降雨護國救民靡不賴之日本記畧甲辰幸

佐比河修禊事也有敕賑恤京中窮乏輩

袞除畢御頓宮陪從五位已上依例賜衣

被國史第九神祇部八大嘗會戊申免紀伊國民庸緣

連年不登也第百七十三災異部七凶年

十一月癸丑天皇御大極殿奉獻幣帛伊

勢大神宮爲御大嘗也

國史第八神祇部八大嘗會丙

辰雪降

第一百六十五祥瑞部上雪

癸亥右大臣正二位

藤原朝臣冬嗣大納言從二位藤原朝臣緒嗣等於清涼殿口奏言聖王相續大嘗頗御天下騷動人民多弊然神態不得已須此度大嘗會停飾省弊者天皇敕答元不好飾唯事神態耳者即大臣奏云請令大納言緒嗣檢校其事者敕依請於是緒

嗣請中納言良岑朝臣安世參議伴宿禰國道爲檢校使以治部省廳爲行事所唯齋院依卜筮定之以宮內省爲悠紀所以中務省爲主基所作借屋用之但齋場依例定北野一切不用玩好金銀刻鏤等之飾唯標者以柵造之用橘竝木綿等飾之即書悠紀主基字以著樹末凡以清素供神態耳所用正稅悠紀主基各十萬後依

國司所請各加五萬以從省約也又運悠
紀主基兩國雜物擔夫各給路養斯以類
有大嘗會國民彫弊者也第八神祇部巡
察彈正八員減二員定六員第八神祇部
是日叙位四品賀陽親主為治部卿本
記 庚午天皇大命良萬 敕大命乎 諸聞食
止 宣悠紀主基爾 奉仕流 二國乃國司郡
司等日夜忘事無久 務米 志麻理伊佐乎

志久奉仕流 依此 治賜布 又奉仕人等中
其奉仕流 狀乃 隨仁 治賜人毛 在又御
意乃 愛盛亦 治賜人毛 在故是以冠位上
賜治賜波 文詔 天皇大命乎 衆聞食止 宣
天皇我 大命良萬 敕大命乎 諸衆聞食止
宣神祇官人等乎 始豆 大嘗會尔 參出來
奉仕流 悠紀主基二國乃 國司郡司百
姓及司司人毛 番上已上尔 御物賜布 又

悠紀國乃去年言上未納主基國乃當年庸物免賜布又上食流二郡司波仁特御物加賜波久止宣授從三位藤原朝臣三守正三位正五位下原王正五位上從五位下石作王從五位上永野王占野王從五位下正四位下石川朝臣河主正四位上正五位下藤原朝臣淨本從四位下正五位下文屋真人第直正五位上從五位上笠

朝臣梁麻呂大中臣朝臣淵魚石川朝臣淨道正五位下從五位下文屋真人長谷小野朝臣真清原真人長谷百濟王安義坂上大宿禰清野三原朝臣春上安倍朝臣吉人藤原朝臣家雄藤原朝臣豐主從五位上正六位上藤原朝臣野繼安倍朝臣濱主藤原朝臣伊勢雄紀朝臣廣總伊勢朝臣福人藤原朝臣永雄伴宿禰淨臣

紀朝臣長江高向朝臣長繼從五位下外
從五位下石占忌寸水直外從五位上正
六位上飯高宿禰全雄城原連繼直外從
五位下 國史第八神祇部八大嘗會及
第九十九九職官部四叙位四 辛
未賜諸司五位己上祿有差女叙位云云
第八神祇部
八大嘗會 壬申亥刻巡大藏舍人等呼
失火於大藏省左右大辨等奔波檢校有
人持炭火插東十四門長殿東面長押且

撲火且出物優婆塞三人藏部一人親入
盜物即差縛優婆塞一人先申云己等所
謀騷動之間雜衆取物去十月二十日夜
失火亦己等所爲至明朝敕使左右近衛
少將推問或爭避或吐實依事未盡優婆
塞降非違禁固藏部降囚獄著馱于時擢
集大庭五位己上尤勇士人賜物 第百七
十三災
異部 加賀國言上渤海國入覲使一百一
七火

一嶺
作標

人到著狀日本記畧是日中納言正三位藤原朝臣三守重上表辭中納言今年四月後太上皇嗟擇重嚴嶺之上凝慮姑射之浪乃錙銖萬乘閑居一院納言以番部之舊臣又貪烟霞之幽賞固辭武官解劔殿上觀者為之落淚識者慙其雅量天皇知難奪強許之公卿補任甲戌差左兵衛督從四位上藤原朝臣綱繼充使奉幣帛於八幡大

神禊日廟便以太宰府綿三百屯賜使國史

第五神祇部乙亥從四位下清原真人夏

野任參議公卿補任戊寅降雪國史第百六十一

十二月辛巳朔日本記畧壬午雪雨癸未降雪

國史第百六十一是日先太上天皇先御冷

泉院次御神泉苑放隼擊水禽天皇獻御

馬四匹鷹鷄四聯嗅鳥犬及御屏風種種

翫好物授無位源朝臣生從四位上從五

訓上
字下

位下滋野朝臣真雄從五位上從四位上
笠朝臣繼子正四位下從五位上內藏宿
禰影子從四位下無位菅原朝臣閑子大
中臣朝臣岑子竝從五位下以當日陪奉
先太上天皇近臣侍女之類也賜扈從諸
臣及外記官吏內記等祿各有差
部五太
上天皇 甲申詔曰古之王者受命膺籙文
質相變損益不同興風致治垂範訓通之

第二十一
五帝主

古今其揆一也頃者陰陽錯謬旱疫更侵
年穀不登黎甿殘耗朕運鍾寶曆副奉洪
基永思善政已忘寢食昔早宮創構只為
三等之階露臺將營猶受十家之產興言
遠想載懷景行夫濟世之道不可守株隨
時之宜豈合膠柱今欲要救流俗勤恤民
隱公卿宜各陳所思以匡不建靡有隱諱
其時世澆醜邦國顛瘁禮服難辨多闕朝

賀凶年之間欲停著用互宜議定奏之第七

十一歲時部 丙戌大雪降第一百六十五 戊

子停止存問渤海使今年雪深往還不通

敕令守椽等准例存問日本 己丑地震國史

第百七十一 壬辰公卿覆奏曰乾坤覆

載合其德者聖人日月運行齊其明者元

后伏惟皇帝陛下體元立極執契提衡開

三面而中外荷其至仁撫五絃而屏高賴

其愷澤猶慮雍熙之未洽更求不諱之直

言臣等才略庸疎忝居非據無副天旨震

愧兼淺愚意攸及尋須上聞其禮服者依

詔停止但皇太子及參議非參議三位以

上并預職掌人等依舊著焉第七十一歲

朝賀 甲午賑給左右京飢民日本 乙未坂田

朝臣弘貞永河等改姓賜南淵朝臣南淵

朝臣牟名叙從四位下丙申參議從三位

春原朝臣五百投任左京大夫

公卿補任

戊戌

國史第百八十七佛道部十四還俗僧

癸卯請大僧都長惠少僧都勤操大法師

空海等於清涼殿行大通方廣之法終夜

而畢也

第百七十八佛道部五佛名

戊申少外記都宿

禰廣田麻呂奉諸祭刻限二月祈年祭辰

二點以前所司庶事辨備訖三點參議以

上著座始行事六月月次祭卯四點以前

所司庶事辨備訖辰一點參議以上就座

始行事

十一月亦同之

同月神今食戌一點御齋

院

十一月用寅

寅二點還宮

十一月用卯

卯一點宮

內神祇候延政門

十一月辰一點

二點叫門參入

祭御殿

十一月同

同月大祓未四點

十一月二點 宮

內神祇縫殿等三司候延政門外申一點

十一月未一點

叫門參入四點

十一月二點

始祓十一

月新嘗會與十二月神今食同同月鎮御

魂酒一酌庶事辦備訖二點參議以上著
座行事以前右大臣宣永以為例年中行事秘抄
是年也太歲癸卯日卯時宜起門於甲午時
祭神送神同日良大起衣四時於甲午時
內轉廊起殿起門癸卯年二點起門參入
流此實黃二點起門此實二點起門
敬祭事此實同日良時今女然一贈祭禮
日本逸史卷第三十一二點參議以上著

日本逸史卷第三十二

弘仁十五年春正月辛亥朔皇帝御大極
殿受朝賀宴侍從已上於紫宸殿賜被國史

第七十一歲時部二元日朝賀宴會附出甲寅中納言從三位

兼宮內卿藤原朝臣貞嗣薨贈太政大臣

武智麻呂孫參議從三位巨勢麻呂十三

男母左大臣藤原朝臣永手女也延曆十

三年正月叙從五位下十六年三月任民

部少輔十七年七月任備前守二十二年
三月任典藥頭二十三年六月任左少辨
二十五年正月兼丹後守止典藥頭二月
叙從五位上任右中辨大同五年正月叙
正五位下九月任近江守十一月叙從四
位下弘仁三年三月任右京大夫六年七
月叙從四位上任皇后宮大夫七年十一
月補藏人頭九年正月兼伊豫守十年三

月任參議七月兼治部卿十一年正月遷
右大辨十一月叙正四位下十二年正月
叙從三位任中納言兼宮內卿薨時年六
十六公卿補任乙卯賜渤海客徒大使己下錄
事以上六人冬衣服料詔曰云云可改弘
仁十五年為天長元年日本上記畧

天長元年正月丁巳授從四位下清原真
人夏野從四位上從五位下大縣王從五

位上正六位上石見王從五位下從四位
下石川朝臣繼人從四位上正五位上文
屋真人第直正五位下藤原朝臣愛發從
四位下正五位下高階真人淨階正五位
上從五位上藤原朝臣文山紀朝臣善岑
正五位下從五位下文屋朝臣秋津物部
中原宿禰敏久藤原朝臣吉野伴宿禰勝
雄紀朝臣御依從五位上正六位上伴宿

禰嗣枝藤原朝臣嗣宗從五位下外從五
位下奄智造吉備麻呂外從五位上正六
位上白鳥村主茂智麻呂外從五位下

國史

第九十九職官部四叙位四〇北山抄云
七日兩儀顯陽承歡兩堂北第一間立位
記案三三位以上昇自同堂北第一階列立
第三間五位以上昇自第二階列立五六
間六位昇自第三階列立第七八九間茲
西面北上於堂上拜舞祿物積兩堂北頭
廊是日任官日本辛酉從五位上三原朝

臣春上任上總守從五位上文室朝臣秋

津任右兵衛權佐從五位上和氣朝臣眞

綱任河内守公卿補任甲子最勝會衆僧於天

上論義例也國史第百七十七佛道部四御齋會丁卯御射

宮觀射也戊辰賭射右近衛右兵衛竝勝

之第七十二歲時部三十七日射禮賭射附出

二月壬午詔曰天皇我詔旨良麻宣大命

平渤海國乃使等云云此役波召賜比治

不賜奴云云便風遠待天本國爾退還止

云云宣丙戌巳時日無色輪暈兩傍小有

光宛似虹薄雲承之東西延曼亦如引穀

日本戊子彈正大弼從四位下橘朝臣長

谷麻呂卒兵部大輔正五位下島田麻呂

之第二子也少小遊學頗讀史漢溫柔作

性不逆物情臨事斷決不違法令縱酒忘

憂遂沈酒年四十有六國史第百六十一是日

任官日本記畧

三月庚戌朔美濃國言上百姓飢病詔令

賑給國史第一百七十三丁巳詔曰朕以不

天幼罹哀疾未奉懷袖之教也已違勤斯

之思歲月崢嶸其積久音塵眇邈不能逮

瞻紫極以摧屠望白雲而殞越雖慎終之

道禮制有限而追遠之悲胸襟无洩其五

月四日者皇太后昇遐之日也何隣忌景

遑恣良遊五月之節宜從停廢夫□絕窺

一思
作思

親理資武備防閑奸官實屬戎昭國之大

事不可而闕思欲依舊事以閱人徒是則

居安慮危之道也卿等宜指奏聞乙亥公

卿覆奏言玄功播氣群生莫貴乎人紫極

提衡聖德詎加於孝伏惟皇帝陛下情濇

罔極事切終身對飄風以无忘瞻寒泉而

永慕爰臻忌月停此娛遊凡厥群生不任

悽感但馬射之道於武尤要冀比龍駒不

調則難馭山西獲臂資習而增氣奇哉夫
九月九日者所謂重陽也龍沙廣宴之辰
馬臺高賞之序風至時涼馬肥人暇古之
王者多以茲日有觀馬射伏望乘此良節
以臨射宮臣等請奉詔付外施行第七十一
三歲時
部四五丁丑授新羅人一百六十五人乘
月五日田二十四町八段爲口分田賜種子并農
調度價國史第百五十九
田地部上口分田

夏四月庚辰朔天皇御大極殿視告朔事

國史第七十五
歲時部六告朔乙酉御大極後殿差使少

納言從五位上繼野王中臣神祇大副正

五位下大中臣朝臣淵魚忌部大祐正六

位上忌部宿禰雲梯等奉遣御劔竝幣帛

伊勢大神宮有崇故也第三神祇部三
伊勢大神宮丙

戌能登國所漂著新羅琴二面手韓鈕二

候判碓二候附朝集使進上戌子任官日本

記畧 參議從四位下橘朝臣常主兼彈正大
弼正五位下南淵朝臣弘貞任式部大輔
從五位下藤原朝臣常嗣任式部少輔止
右少辨公卿補任甲午以祝部牧麻呂補正一
位勳一等鴨別雷大社祝乙未以從八位
上鴨縣主淨益爲正一位勳一等鴨御祖
大社祝國史第十九神祇部十九祝丙申覽越前國所
進充渤海國信物并大使貞泰等別貢物又

契丹大羯二口獲子二口在前進之庚子
淡路國言上民飢詔令賑給返却渤海副
使璋璿貢物辛丑幸神泉苑令渤海羯逐
苑中鹿中途而休焉壬寅任官日本記畧丁未
給丹波國醫師正七位下大村直諸繩正
稅四百束充病料國史第七十八賞宴部
下賞賜及第八十三政
免田租理部五今十五大寺竝五畿內七道諸國
奉讀大般若經防疫旱也第百七十三災
異部七疾疫

五月庚戌奉幣五畿內七道諸國諸神謝

疫氣也國史第百七十三己未新羅人辛

良金貴賀良水白等五十四人安置陸奥

國依法給復兼以乘田宛口分第百五十一

上田癸亥印遣渤海救書日月上九田地部踏乙

丑任官戊辰詔曰天皇我御命云云客人

倍國爾還退云云宜日本己巳授正五位

下南淵朝臣弘貞從四位下國史第九十

九職官部四

叙位

從五位上藤原朝臣吉野任左少辨

公卿補任

六月戊寅朔賑給日本癸巳授鑄錢使長

官從五位下小治朝臣真人從五位上次

官正六位上藤原朝臣豐善從五位下國

第九十九職官丙申下民部省符云云見

部四叙位四丁酉下民部省符諸司主典

已上卒死之日給賻物事有恒例而物實

避忌經日，喪家之費卒難支給，今被右大

臣宣傳奉敕，宜件料特令交易充殯歛。三代

寶錄見元慶六年四月十七日下 庚子辛神泉苑覽左右

馬寮御馬國史第三十一帝主部十一 甲辰賑給

京地飢民日本記畧 乙巳授常陸守從四位上

佐伯宿禰清岑正四位下越前守從四位

下紀朝臣末成從四位上國史第九十九職官部四叙位

四 丙午下符云云三代寶錄見貞觀十五年五月十五日太宰府

言

則心肉廣矣越人非難也

秋七月甲寅平城天皇崩，天皇遂傳位，避

病於數處，五遷之後，宮于平城，而事乘釋

重政，猶煩出尚侍從三位藤原朝臣藥子

掌侍惟房矯託百端，太上天皇甚愛，不知

其奸，遷都平城，非是太上天皇之旨。天皇

慮其亂階，擯於宮外，官位悉免焉。太上天

皇大怒，遣使於畿內，竝紀伊國兵與藥子

同輿自川口道向於東國士卒逃去者衆
知事不可遂迴輿旋宮落髮爲沙門己未
葬於楊梅陵天皇識度沈敏智謀潛通躬
親萬機克己勵精省徹煩費棄絕珍奇法
令嚴整群下蘭然雖古先哲王不過也然
性多猜忌居上不寬嗣位之初殺弟親王
子母竝命逮治者衆時議以爲淫刑其後
傾心內寵委政婦人北鷄戒晨惟家之喪

嗚呼惜哉春秋五十一謚曰天推國高彥

天皇國史第二十五帝乙卯任御裝司丙

辰奉誅曰畏哉讓國而平城宮爾御坐志

天皇乃天都日嗣乃御名事遠恐年恐母

誅曰臣未畏哉日本根子天皇乃天地乃

其長久日月其遠久所白將去御謚止稱ホト

白久日本根子天推國高彥尊止稱白久止

恐年恐母誅曰臣未第三十五帝丁卯

日本通史卷第三十二

從四位上橘朝臣海子卒日本乙亥詔曰

頃者上天降福先太上皇昇遐白雲之馭

不歸蒼梧之望已遠朕以匪德忝守鴻基

于茲閔凶永懷哀慕夫喪紀之制著自古

今達禮情理難降殺而今公卿奉遵顧命

恐闕萬機釋讓之期所不踰月遺賧之旨

義在難建所以棄情從彼所請普告內外

知此意焉

國史第三十五帝 王部十五諒闇

八月丁丑朔奉幣帛名神所除風雨損也

國史第十一神祇部十一祈禱辛巳太政官符應令諸國

郡司譜圖謀一紀一進事右得式部省解

俾檢按內件圖謀經數十年一進或五六

年間頻進因茲短祚早死者子孫懷漏圖

之憂數好改換者官司有勘會之煩望請

下知諸道令進件圖謀以一紀為限務存

實錄不致假盪但依去弘仁二年二月二

日本通史卷第三十二

十日詔書應進譜圖之狀三年九月四日
下知諸國訖而諸國所進圖謀零疊年限
不同如此之圖始進圖年計其程限謹請
官裁者右大臣宣依請類聚三代格第七甲申詔
曰云云奉加太上天皇封五百戶乙酉太
上天皇有敕弘仁元年權任流人等皆盡
聽入京日本庚寅任伊勢齋內親王入野
宮次第司國史第四神祇壬辰太政官符

日本
記畧

國史第四神祇

壬辰太政官符

應任國博士不限年紀事右得式部省解
稱大學寮解稱彼省去延曆八年正月二
十八日符稱卿宣奉敕諸學生等年不滿
三十不得任用國博士者寮依符旨脩行
久矣今學生等志仰儒風勤求聖教借餘
照於隣壁競分陰於流年功成業畢不免
貧寒而朝制有限往年不任昔賈誼十八
世稱才子漢文名以除博士不疑十三人

號神童魏武聞之拜議郎唯論人才何拘
年齒望請准據前典依件任用仍請處分
者右大臣宣奉敕依請類聚三代格第五癸巳遣
使奉幣伊勢大神爲調風雨也國史第十
一神祇部
十一丙申太政官符一擇良吏事右檢右
大臣奏狀稱臣聞登賢委任爲化之大方
審官授才經國之要務今諸國牧宰或欲
崇修治化樹之風聲則拘於法律不得馳

驚邦國殄瘁職此之由也伏望妙簡清公
美才以任諸國守介其新除守介則特賜
引見勸喻治方因加賞物旣而政績有著
加增寵爵公卿有關隨卽擢用又及經制
宜勤不爲己者將從寬恕無拘文法者依
奏一遣巡察使事右同前奏狀稱古者分
遣八使巡行風俗考牧宰之治否問人民
之疾苦所以宣風展義舉善彈違也伏望

量遣件使考其治否者依奏一順時令事
右同前奏狀稱人主發號施令必奉天時
十二月得其時則陰陽和而終始成也伏
望政化所施不違時令則風雨應候災害
不生者依奏一舉賢避邪事右檢從二位
行大納言兼皇太子傳民部卿藤原朝臣
緒嗣奏狀稱尚書曰野無遺賢萬邦咸寧
又曰任賢勿貳去邪勿疑伏望舉用賢德

去斷邪狂者依奏一擇國守事右檢正三
位行中納言兼右近衛大將春宮大夫陸
奧出羽按察使良峰朝臣安世奏狀稱國
守者古之刺史也當仁之人不可多得伏
望令一良守兼帶數國小大之政從其所
請一兩僚屬亦依請任之又祿不厚則人
不勸人不勸則治不立伏望其公廩者攝
國之中擇其殷阜以二守分給者宜試於

一國明知治否然後令兼之一令諸氏子孫咸讀經史事右檢參議從三位多治比真人今麻呂奏狀稱緬尋古典歷覽前王勞於求賢逸於經國伏望諸氏子孫咸下大學寮令習讀經史學業足用量才授職者宜五位已上子孫半二十已下者咸下大學寮以前意見奏狀依今月八日詔書頒下如件

類聚三代格第七

太政官符應諸國荒

田令民耕食事右參議右近衛中將從四位下兼行下總守清原真人夏野奏狀稱夫除不堪佃之外別有常荒田百姓耕作國司徵租民畏此迫常憚耕食伏望一身之間永聽耕食但六年之後徵租如法者右大臣宣奉敕依奏但池溝堰等加公功者不聽用其水復不得因此勢家耕作

是日下符信濃國牧監減一員置一員

見天安二年五月十一日符云云三代實錄見貞觀十一年二月

二十一日下此新下七道諸國符傳檢參議羅凶賊之事也

左近衛中將從四位上兼行近江權守清

原真人夏野奏狀傳國中政朝集使可

申而或附史生至于問政譬如面墻伏望

差官長副史生一人其國滯政於玉階之

前令面陳言然後罷却便留史生令成遺

政者依奏但有可奏於玉階前者雖非朝

集使聽入京無可奏之事者雖朝集使而

不聽見五年四月八日符及貞觀十年六月二十一日符丁酉依從

三位右衛門督兼播磨權守紀朝臣百繼

從四位上行越前加賀守紀朝臣末成等

奏紀氏神 幣帛例國史第十神下祇部十常祀

山城國符云云見二年十月二十一日符

九月戊申太政官謹奏停多禰島隸大隅

國事右參議太宰大貳從四位下小野朝

臣峯守等解僭謹檢按內太政官去二月十一日符僭件島南居海中人兵乏弱在於國家良非犴城又島司一年給物准稻三萬六千餘束其島貢調鹿皮一百餘領更無別物可謂有名無實多損少益右大臣宣奉敕宜勸利害言上者南溟森森無國無敵有損無益一如符旨須停島隸大隅國計其課口不足一鄉量其土地有餘

一郡能滿合於馭謨益救合於熊毛四郡爲二於事得便者聖帝登樞事期濟世明王布政理費適時臣等商量昔漢元帝納賈捐之言罷珠崖郡前史以爲美談後世稱其英烈雖建國量疆非無分野而恤民救急猶棄州郡况溟海之外費損如此加以往還之吏漂亡者多運送之民蕩沒不少守無益之地損有用之物求之政典濶

迂物議伏望依件停隸以省邊弊伏聽天

裁謹以申聞謹奏聞類聚三代格第五己酉任官

日本乙卯詔曰天皇詔旨坐掛畏大

神乃大前申給止閉申久多氣乃齋宮大

神宮止離遠天每事無便因茲度會乃

離宮乎卜定天常齋宮止須狀申出事乎

恐美恐美申給久止國史第四神祇定勘

解由使員長官一員次官二員判官三員

主典三員史生八員第七職官部庚申

右大臣兼左近衛大將藤原朝臣冬嗣上

表曰云云報敕不許乙丑任官日本參議

從四位下伴宿禰國道兼勘解由長官從

五位下藤原朝臣常嗣任勘解由次官丁

卯從四位下高棟王任大學頭公卿辛未

賑給山城國窮弊百姓是日無品因幡內

親王薨桓武天皇女也日本壬申以高雄

日本通史卷第三十二

寺爲定額并定得度經業等正五位下行
河內守和氣朝臣眞綱從五位下彈正少
弼和氣朝臣仲世等言臣聞父構子終謂
之大孝營公獻可謂之至忠惟忠惟孝不
可不順者也昔景雲年中僧道鏡以佞邪
之資登玄扈之上辱僭法王之號遂懷窺
覷之心偏邪幣於群神行權謀於佞黨爰
八幡大神痛天嗣之傾弱憂狼奴之將興

神兵尖鋒鬼戰連年彼衆我寡邪強正弱
大神歎自我之難當仰佛力之奇護乃入
御夢請使者有敕進引臣等故考從三位
行民部卿清麻呂面宣御夢之事仍以天
位讓道鏡之事令言大神清麻呂奉詔旨
向宇佐神宮于時大神託宣夫神有大小
好惡不同善神惡淫祀貪神受邪幣我爲
紹隆皇緒扶濟國家寫造一切經及佛諷

誦最勝王經萬卷建一如藍除凶逆於一
日固社稷於萬代汝承此言莫有遺失清
麻呂對大神誓云國家平定之後必奏後
帝奉果神願粉身殞命不錯神言還奏此
言遭時不遇身降刑獄遂流荒隅幸蒙神
力再入帝都後田原天皇寶龜十一年數
奏此事天皇感歎親製詔書未行之間遇
讓位之事天應二年亦奏之柏原先帝即

以前詔普告天下至延曆年中私建伽藍
名曰神願寺天皇追嘉先功以神願寺爲
定額今此寺地勢污穢不宜壇場伏望相
替高雄寺以爲定額名曰神護國祚真言
寺佛像一依大悲胎藏及金剛界等簡解
真言僧二七人永爲國家修行三密法門
其僧有關擇有道行僧補之又簡貞操沙
彌二七人令轉讀守護國界主經及調和

風雨成熟五穀經等晝夜更代不斷其聲
七年之後預得度一則果大神之大願二
則除國家之災難者敕一代之間每年聽
度一人又備前國水田二十町賜傳二世
為功由者入彼寺充果神願者更延二世
餘依請國史第百八十一佛道部七諸寺以
及第百七十九佛道部六諸宗
綿一萬屯施東西兩寺並大寺及五畿內
諸寺常住僧尼也第百八十六佛道
部十三施物僧帝著

素服不聽朝

日本
記畧

冬十月丙子朔

日本
記畧

丙戌陵戶五烟奉窀

先太上天皇山陵

國史第三十六帝
王部十六山陵

戊子

常陸國俘囚公子部八代麻呂等二十一

人願從課役許之

第百九十風
俗部俘囚

辛丑皇太

子謁見後宮便於仁壽殿東檻下聊設酒

肴賜坊官已上祿

日本
記畧

十一月丁巳授正六位上平田忌寸小成

從五位下

國史第九十九職
官部四叙位四

戊午下野國

人三村部吉成女叙位二級終其身免其

田租旌節行也吉成女者故主帳外大初

位上勳八等輕部豐益妻也夫死之後常

掃墳墓操志貞潔無心再嫁量彼志行可

謂節婦者

第五十四人
部十節婦

庚申任官

日本
記畧

辛

酉賜山城國地五町九段大學寮

國史第
百七職

官部十二
大學寮

日本
記畧

十二月乙亥朔雪皇太子參謁於中殿曲

宴參議已上預焉

日本
記畧

辛巳右大臣正二

位兼行左近衛大將藤原朝臣冬嗣等言

伏習舊章退觀往冊元正首祚品物咸亨

萬國旁戾佇朝覲於夏庭百蠻會同仰膏

澤於漢闕今陛下莞然在疚哀感猶深其

新嘗宴會既從停廢恐至元正復停大禮

春秋之義卒與之後得行吉禮伏望元日

朝賀享賜等事一隨舊典詔曰朕雖通諸
權制始觀萬機而過密之悲何曾弭忘况
霜露所感觸目增傷讌會之儀情未忍觀
今卿等所請理區專抑宜以明年元日受
朝朝畢後服色復素終于諱月其享群臣
及樂懸並停但准舊例賜節祿也國史第
七十一
歲時部二元日朝賀及第
三十五帝王部十五諒闇 癸未大納言緒
嗣有身病久蟄愛宿第今年春有敕語令

近侍宮城邊行政務自四月五日遷曹司
居住在太政官厨家西町令給上日台記
見仁
平三年 庚寅前中納言正三位藤原朝臣
二月下 二守任宮內卿是日故中納言從三位藤
原朝臣繩主贈從二位公卿
補任甲午詔曰天
皇我御命給久石作乃山陵尔申給久前
山陵地不穩止思所行卜申尔依天今
月乃二十日乎以且山陵奉移止年定太理

而有障互今年波奉遷事不得成互來年

乃冬時尔奉遷可故尔齋內親王乎矜惠

賜止之互左大辨從四位上直世王乎使

仁奈毛差天申給不天皇戎御命乎申給久申止

第三十六帝王部十六山陵辛丑授從五位上三原朝

臣春上從五位下藤原朝臣廣敏正五位

第九十九職官下部四叙位四

日本逸史卷第三十二

